

頤素堂叢書初編

利

子孫永保
雲煙家
藏書記
共四卷
百六十九

4曾4
569
3



駢香儷豔

門 1 4
號
卷



隋京兆杜公瞻取事物之切於用者撰爲編珠四卷凡
十有四門門各有偶於事物亦略該矣但花木一門並
歲時人倫文學鳥獸蟲魚等部未經采集而第三四卷
復又逸去我朝高江邨太史循其原目雜采典故以
補其缺仍爲四卷又廣其門類之未備者外爲二卷然
皆參輯隋唐以前故實而宋以後事例不采間於宋人
籍中有載用唐事者一用之卷帙綦簡何以快閱者之
目祿不量固陋祇就花木一類編爲駢香儷豔一卷凡

經編珠曾采取者茲不雷同嘉慶己卯冬仲吳郡顧祿
書於紫荆花院

駢香儷豔

吳郡 顧祿 總之編

荻一名秋雪 菜一名冬風生廣州

竹有名防露生蜀中 草一名知風產南海土人視其

節以占風

檉一名雲母桂 月兒芝食之壽萬歲

藕一名雨草 絡石一名雲花

葵一名蒙露 竹一名聆風

薔薇別種有隨月圓缺者名曰月桂。溫台山催生草一名風蘭。

荷一名宵舒。合歡一名夜合。

生薑一名百辣雲。六月雪花小色白季夏始開。

草一名金星。梨花一名玉雨。

著一名聚雪。桃花一名蒸霞。

麥冬一名滿冬。稻九月熟者一名半夏。

水葵一名屏風。野菜有名海月。

茶一名游冬。粟有名枯夏。

竹一名冬生。梅一名春寄。

月季一名勝春花。竹一名不秋草。

晝變草長三尺樹之百步內皆黑。宵明草夜視如列。

燭晝則無光。

草有名夙條生休與山。瓦松一名昨葉。

耐凍花生海島中雖隆冬積雪而葉色皆翠。羞寒花。

生蜀中根莖綴花蔽葉自隱。

松一名千歲。羣芳譜載花百六十種。一名萬年。
 木樨一名九里香。草一名千年蓋。
 菊有名六月紫。千年蓋一名萬年青。
 莠一名光明草。桂一名幽隱花。
 韭一名陽起。菊一名陰成。
 馬齒莧一名五行草。柳穿魚一名二至花。
 僧懷素種蕉代紙號其所曰綠天。地葵一名白地。
 藟豆一名沿籬。草名塞路生常山。

三奈一名山辣。芥一名水蘇。
 薤一名守宅。鹿菰一名護階。
 人柳生漢苑。佛桑產閩中。
 茉莉一名小南強。牡丹一名大北勝。
 梨為百果宗。蘭為眾香祖。
 梅花一名瓊兒。竹一名青士。
 銀杏一名公孫樹。姊妹花。
 芫一名兒草。菊一名女花。

馬香傳豐
百合一名倒仙。茉莉一名狎客。
蘭一名待女。玫瑰一名離娘。
慈竹一名子母。董稷一名姑郎。
梓一名木王。牡丹一名花后。
菊一名帝女。牡蒙一名王孫。
鳳仙一名好女兒。牽牛一名假君子。
梨一名蜜父。枇杷一名蠟兒。
竹一名妬母。半夏一名和姑。

水蘇一名勞祖。江淮菜一名孟娘。
棗一名鹹官。厚樸一名淡泊。
黃芩一名妬婦花。慈姑花種水田中一莖生十二子。

遇閏月則生十三

蘆一名逢農。杞一名却老。
辛夷一名留姨。宐母果生嶺南似橘而小。
胡椒一名木叔。巴豆一名草兵。
桃一名餘甘尉。蘆一名假節侯。

苦蕒一名謝婆菜 豫章有黃姑菌

烏柏一名鴉舅 牡丹一名鼠姑

楊梅一名聖僧 楊花一名狂客

白及一名雪如來 菴蓉一名黑司命

蘿蒿抱根叢生故名抱娘 芫蔚一名益母

松一名不臣木 金橘一名給客橙

金燈花與葉不相見故名無義 夜合一名有情

屈軼一名指佞 向日葵一名懷忠

菊一名延齡客 榛樹一名續命筍

無憂木女人觸之則花 不燼木產南荒外

桃一名銷恨花 萱一名療愁草

合歡一名蠲忿 護一名忘憂

菝一名和事草 藥草一名養神芝

芙蓉一名巧笑 夜合一名合歡

煙草一名止悲 紫花一名長樂

醒酒草細葉勁心醉者折草嗅之立醒 迎涼草置几

畔涼風自至

龍眼一名益智。薺一名護生。
 荇一名接余。蘭一名媚世。
 欵冬一名橐我。阿魏一名薰渠。
 芍藥一名將離。山茶一名都勝。
 杜仲一名思仙。須曼一名成道。
 蘆薈一名奴會。莎一名夫須。
 阿魏根一名穩展。藤一名扶留。



菩提子一名無患。相憐草生南丹山。
 莧一名莫實。卷耳一名常思。
 菝一名長若。洛如花郡有文士則生。
 松一名支離。榭一名樸檄。
 菊一名更生。稻有名再熟。
 香草一名杜若。芭蕉一名巴且。
 米仁一名意以。竹一名林於。
 竹一名扶老。黃精一名救窮。

桂州有倚待草 玫瑰一名徘徊花

稷一名旁皇 嶺南竹有名澀勒

當歸一名文無 沙參一名志取

松苔一名艾納 黃矮菜一名花交

芥一名躡空 稻一名敦實

倚驕樹產南方荒中 紫薇一名怕癢

獨搖一名獨活 桐一名孤生

錦帶一名鬢邊嬌 菊一名霜下傑

桂花一名無瑕玉 醉醺一名獨步春

櫻桃一名紅鞞鞞 玉簪一名綠粧嚴

紫荆一名滿條紅 牡丹一名一段錦

老少年一名十樣錦 虞美人一名百般嬌

須曼一名稱意苔 相思柳

荇一名水鏡草 金盞一名金燈花

芍藥一名玉帶花 橘一名金衣果

葡萄一名金瑯璫 酴醾一名雪纓絡

茉莉一名素馨。鳳仙一名倒影。
 何首烏一名交藤。常山草有名互草。
 苜蓿一名連枝草。迎輦一名合蒂花。
 西域有斷影木。釣仙池有分香蓮。
 乳香一名浴香。女香草一名逐臭。
 木香一名禁花。藿茨一名歷草。
 藕一名玉節。胡桃一名冰丸。
 苔一名青膚。菰一名綠節。

頻婆之小者一名花紅。蘭一名葉白。
 芝一名紫脫。葳蕤一名青粘。
 散丹一名渥丹。醪醑一名賽白。
 如何果生南方荒中。特乃子狀如榧而圓長端正。
 荊花一名紫珠。桐一名青玉。
 苦參一名綠白。楓一名紅黃。
 菌一名紅丁。牽牛一名黑丑。
 黃精一名戊己芝。稻有名庚癸米。

薺一名馬辛。茄一名鼈甲。

嶺南木有名蚊驚。芡一名雁啄。

麥冬一名羊韭。宐男草一名鹿葱。

葵一名鴨脚。水蔦一名牛脣。

龜銜木堅如鉄。卷耳一名羊負。

蝴蝶花。鴛鴦草。春晚生葉花生葉中兩兩相對狀如

飛鳴。

忍冬一名鷺鷥藤。菠一名鸚鵡菜。

杜鵑一名羊不食。荆棘一名鵲弗停。

枇杷葉一名牛耳。菊花一名狼牙。

牽牛。丹參一名逐馬。

狗脊一名扶筋。續斷一名接骨。

地錦一名馬蟻草。蠟梅一名狗蠅花。

骨碎補一名猴薑。麥冬一名馬韭。

牡丹一名鸚鵡白。酸漿草一名螻蛄青。

鬱金一名雀李。櫻一名鶯桃。

山菜萸一名雞足 筍一名貓頭

木耳一名木鵝 瓜一名蒲鵠

荷一名鴛鴦蓋 筍一名玳瑁簪

木耳一名五鼎芝 杏有名八丹杏

蠟梅一名黃千葉 葶薺一名黑三稜

萵苣一名千金菜 藟一名百歲羹

菘有名箭幹白 桃有名雷震紅

射干一名仙人掌 蓮蕊一名佛座鬚

木瓜 金果即無漏子

羅欄色紫翠如鹿菝四月始花 布衲似李而色黃

水仙一名雅蒜 廉薑生沙石中南人以為藟

香瓜一名甜瓜 秦皮一名苦樹

石榴一名天漿 葶薺一名地栗

薄荷 厚樸

葡萄一名破地錐 旋覆花一名飛天蕊

絲瓜一名天羅絮 木耳一名地踏菰

刀豆一名挾劍 豌豆一名搖車

草一名懸腸 萱一名樹背

荳蔻一名多骨 竹有名渾心

蓮子一名湖目 知母一名水鬚

薺一名謝菜 山礬一名鄭花

荷一名水芙蓉 牡丹一名木芍藥

槐一名音聲樹夜聞絲竹之聲則省中有入相者 王

桃枝謁王處回于私第取子種花曰此仙家旌節花也

右共百五十偶大抵取工巧新穎為主至如水賊水

仙鬼醜神麻靈壽花平安竹祥桑福草蒼耳子白頭

翁吉祥草富貴花續斷連翹燈籠草火把花義松仁

草瓜丁菜甲申椒辛桂白木紅花苦竹甘棠菊婢梅

妻楓人麻母筍奴菌妾菱母芥孫竹弟松兄芝友苑

童竹祖桐孫觀音柳羅漢松金蓋草玉簪花章臺柳

漆園椿淇澳竹嶧陽桐和靖梅王恭柳將軍柳太守

桑阿母桃孩兒菊茅針蒲劍芝箭蘆錐蒲筆菊錢蕉

馬在傳
絲○萍○錦○苔○衣○莎○毯○筍○屨○菰○袍○樹○網○花○茵○書○帶○草○酒○杯○
藤○三○花○樹○九○節○蒲○三○家○薯○百○葯○綿○四○照○花○三○層○草○梅○
鬚○菊○靨○樅○心○柳○眼○梨○腮○荷○鼻○蘚○骨○花○鬚○蘭○眼○柳○眉○竹○
乳○莎○髯○藤○骨○蘚○皮○桑○眼○竹○身○苔○髮○桂○脂○竹○淚○梅○魂○菊○
脚○松○肩○苔○鬚○松○髓○竹○手○草○頭○勾○鼻○桃○細○腰○棗○玉○抱○肚○
金○帶○圍○無○心○草○沒○骨○花○人○面○竹○象○蹄○花○松○羔○柏○麝○鷲○
栗○兔○絲○鼠○耳○槐○麋○舌○草○金○雀○玉○蟬○雞○菱○猴○李○龍○鬚○柏○
鳳○尾○松○裙○腰○草○磬○口○梅○顛○狂○絮○穩○重○花○窈○窕○蘿○玲○瓏○

竹○頃○刻○花○逡○巡○竹○西○天○曼○北○地○葵○僧○衣○褐○鬼○羅○襦○干○
歲○蘖○萬○年○藤○旋○花○舞○草○月○一○盤○春○不○老○科○名○草○及○第○
花○等○聯○則○又○人○所○易○曉○毋○庸○備○注○矣○或○稍○涉○隱○僻○不○
合○于○用○者○亦○從○割○舍○挂○一○漏○萬○未○免○貽○笑○識○者○然○于○
初○學○不○無○小○補○云○

省闈日記

道光甲申秋
日鐫板

省闈日記者總之壬午科記
事之書也凡登程後以泊歸
帆一切里程游覽舟次旅中
及逐日瑣屑之事無弗備
載所以便稽閱誌行色者至
是昔歐陽文忠公有于役志

人以為公之酒肉帳詩侍之
子載亦與公之文章並傳蓋亦
在文之工事之奇亦視乎人
可侍而侍——至信以
帖括措大跋涉五百里外
為里心獲豈亦有可侍者

與取大江南北來石城者
第有保人、各有一編酒肉
帳簿豈必無一人可傳者與
聊以書之、總之迺相視而
笑道光壬午八月朔生曰韋光齋
書於潤州舟次

省闈日記


吳郡 顧祿 總之撰

道光壬午七月朔癸酉知涵香 文廟執事辦果子始
議先發適君繡過從語及同行君繡欲之遂訂初八

日離郡

初七日己卯侍父祀江神令張福治裝隨役卽遣辭戚
友見餽贐禮

初八日庚辰巳刻拜辭祖慈以次庭訓諄諄諸父昆季



及至戚好相送登舟少選君繡剝行李上船乃發更
次出許墅關宿望亭柝鳴野戍秋暑蒸人弦月欲墮
始就枕席

初九日辛巳黎明解維至清寧汎水淺舟膠牽挽寸進
迫暮僅出熙春橋先是遣張福郭玉買菜不至及泊
九龍山日薄崦嵫山光漸暝始伊啞拏小舟來飯了
遠眺蓉湖尖景色絕麗星斗繁天燈火耀岸使蕩以
畫舫佐以清歌風景何減白隄

初十日壬午曉發小金山連朝密雲不雨稻田幾槁桔
槔聲四野相聞鄉人閔旱歲歉可憂申刻入常郡惠
濟橋雨陣虹見卽霽泊艤舟亭蘇文忠公讀書處也
亭殊不葺然樓閣臨水頗臻幽勝

十一日癸未辰巳間舟膠毘陵驛以藤索努力絞行勞
擾良久止行里許水縮儼重舟子謀小舟般剝遺場
密邇急不能待與君繡易小舟挈囊裝過行食頃出
西門風帆順利勢若奔馬行二十六里過奔牛鎮宋

名園日紀
明帝遣沈懷明擊孔覬曾至此築壘又十八里過呂
城閘閘水湍激有聲甚壯明月滿船涼風襲體過雲
陽已夜分矣

十二日甲申小泊新豐鎮居民市肆頗盛沽酒甚香冽
李白詩云南國新豐市東山小妓歌卽此也筵肉甚
嫩行二十七里過丹徒鎮居人多織蘆爲席岸高于
山過老人聞風雷大作電影騰掣舟小幾傾幸爲風
水所沖擱住沙岸急繫纜而定雨行三十里泊京口

聞自宋太祖置堰軍止有四處而呂城及京口在焉
船舫櫛比多楚巫巴客酣酒鬪毆幾致失足夜觀金
山塔燈風濤擊船鞳鞳有聲

十三日乙酉風潮益勁榜人不告便風解船君繡亟捉
子登陸見江中驚濤駭浪舟搖兀如一葉掀舞由北
固山梁武帝改京口城樓曰北顧樓故又名北顧山
多峭厓如削然皆土也宋史誤以爲石壁寺曰甘露
有宋吳琚所書天下第一江山六字在榜委折行四

五里達河神廟吾船已進港順風張帆懲昨日狼狽
約舟人搖櫓進發不應舟中見金陵羣山蒼翠萬狀
蜿蜒數十里俄頃雲氣接天連續不斷申泊龍潭驛
君繡苦舟中掀簸商從旱道發登岸探詢驢賈較殺
于棲霞僱定八騎約候曉卽發反舟聞後行船多有
折檣破帆者小舟叩舷買魚頗賤蚊如蠶蠹船矮不
復能設幙夜大風舟人增纜驛卒警邏不寐達旦
十四日丙戌策蹇登程亂嶺縱橫層折而過土人駕獨

轅小車七八輻聲輾輾然先後進發行三十里飯朱
家店赤日滿空過紫金山墮驢者再且喜草褥青軟
身如因風落葉寸膚不傷申西間過孝陵衛西望明
陵基址岿堯規制闕壯進東華門汗流浹體跋履殊
苦蓋距朱家店又行四十里矣尋入滿城棄代步捉
銜以從君繡先至鈔庫街全寓雲芝出迎賓至如歸
夜臥甚酣

十五日丁亥早起盥漱畢詣北府塘 武廟拈香回寓

發家書第一封由驛遞趙吳堂過訪夜長板橋玩月
迤東至水關一望青溪笛步間溪名九曲發源鍾山
吳鑿東渠爲之邀笛步卽在青溪橋之右今上水關
是也河船三五放乎中流中設道場僧衆朗宣佛號
與鼓鏡聲相應水面放蓮花燈遠眺如明星萬點錯
落波中中元薦亡多于臨河施放焰口蓋金陵舊俗
云

十六日戊子天陰吳夢隱姚雪堂雲門過訪晚買市中

薰膾佐酌頗珍

十七日己丑往報吳夢隱並詢侶梅出豫信飯了雲芝
店小坐識王藕塘金壇縣朱明府瀾幕賓也隨其父
春巖應試在省

十八日庚寅未刻侶梅抵省李拙生邀去下榻其偕來
胡粟海吳漁盟俱青浦人寓于全宅中樓侶梅過訪
約四鼓同入場

十九日辛卯天明得題未刻隨頭牌出回寓雲芝約往

卷之四
飲王藕塘家頽然徑醉

二十日壬辰發家書第二封李拙生陸朗齋徐雙螺過
訪飯了同君繡往答俱不晤塗遇侶梅粟海漁盟雲
芝約怡園小酌至則傭保捧梓操器者來去紛紜滿
座胥人語蓋秦淮十步一酒肆五步一茶寮至其水
陸珍奇充盈庖室倉猝客來咄嗟立辦者莫過于斯
晚歸徐季雅沈芷橋過訪接家書

二十一日癸巳侶梅過訪買棹偕往城北一路隄淨如

掃雞犬閒暇鳧鴨浮沉土人多持竿釣魚舍舟至隨
園園爲袁太史子才別墅依小倉山成院落迴廊高
下複室層疊環宅皆流泉石壁青林文篠四面亦別
無人居忽聞木樨香遂踪跡至隱仙菴菴在清涼山
西去百餘步地極幽邃司香瀾茗饗客憑闌少憩桂
馨一山沁人心脾殿後高閣一椽有老梅大可數圍
葉陰映蔽云是六朝間物欲訪四松園遍叩不得徘徊
徇歧路間忽二扉豁開秋色盈階相詫良久乃趑步

而入見沙山迎面色如紫金而光有洞可拾級而上
旁亭曰四照其下旱船一築怪石林立古松三四樹
髯甲天矯如蛟龍闌前羅植雁來紅斑斕奪目客至
不叱不迎予方以誤入桃源未敢逗遛遵故道而歸
逆所見于君繡曰公等欲往四松園乎所遊者卽是
也相與鼓掌而笑夜與君繡談詩

二十二日甲午往答季雅芷橋歸途遇華適園味純見
訪同至竹卿處不晤飯了往報適園鼓琵琶小曲四

弦一聲簾幙畢鈎倚粧倚闌聲光亂目見者神幾爲
之奪矣街頭叫賣茉莉花甚香

二十三日乙未往謁盧立峯師歸作文買蘆根雪絲煮
肉清香殊佳惜咀嚼多渣

二十四日丙申晴早起涼爽如深秋飯已謁蔣侯祠祠
在鍾山下數百步松柏森列石碣尙存侯名子文漢
末討賊戰亡吳大帝詔卽山下立祠以祭改曰蔣山
二十五日丁酉同君繡作文晚躁熱殊甚

二十六日戊戌潘竹堂過訪夜三發家書

二十七日己亥彭霽峰金雲衢呂美門過訪立峯師枉
答夜王藕塘招飲回望秦淮水榭燈火歌呼夜分乃
已

二十八日庚子跨衛出聚寶門游雨花臺臺在長千里
南地多五色石晚望石城西北火雲如山奇怪萬狀
明日之熱可畏矣

二十九日辛丑秋暑酷甚雖有微風了無涼意乃打漿

至蓮花橋登岸行數里抵清涼山山下居民結綵爲
棚沿街供地藏王象香火燈燭比戶皆然上山進香
者率大戶婦女晚烟四起滿路皆朱芾繡幘各有蒼
頭小婢簇擁下山而去反舟微雨暑猶未艾揮扇不
止

八月朔壬寅作文朱丹厓來省接家書第二封王二波
都閩過訪夜涼

初二日癸卯錄科案出適立峰師回船發家書第四封

張春臺過訪陳質安祁涵香陳一杭來省

初三日甲辰接家書第三封隨發第五封遞達親庭

初四日乙巳往鷲峰寺納卷丹厓約游正覺寺寺本名
水月庵地極狹陋嘉慶某年住持獲教匪方容升有
功柏制軍請闢沿城一帶民房給帑建造朱門三級
漚釘獸環宛然宮殿歷院落數重悉峻宇雕墻刻角
丹楹無纖毫塵埃賜有正覺禪寺額晚歸晤徐安槎
塗次

初五日丙午往訪涵香寓于全宅貼壁吳翠芝校書粧
樓也案前明河房爲文人讌游之所歌姬鱗比而居
舊院在鈔庫街南與貢院隔河遙對今自利涉橋至
武定橋丁管營巷東水關釣魚巷麗姝櫛比賓興之
歲多以歌樓舞榭賃居士子好風引夢香洞迷人獨
清獨醒自有其人豈必盡爲多情者哉下午答徐安
槎褚仙根陳順菴過晤

初六日丁未至狀元涇鳴鏑聲西來綵旂前導華繖後

隨團衣花帽肩擡煖輿左右者甚都財赴默晏入簾者也凡乘輿六首外監試次監臨次內監試又次兩主試同考官隨于後觀者如堵墻子與君繡漁盟粟海轉至東花園度竹籬錦鱗池伏秋草塍荒雖有蘆棚幾處揭青帘貫白酒而酒徒紛擾不足流連相與至三山街街甚廣濶夾道皆廊浮屋買賣者甚衆競買土宜將歸以貽人

初七日戊申蕩河出水西門弔盧莫愁湖團團十里撲

鼻猶聞荷香壁間題詠甚多山僧出所刊懷古新集見貽後有勝碁樓奉中山王徐達象紅袍烏紗奕奕如生兩朝勝蹟千古留名誰謂英雄兒女有時盡哉少憇落日銜山清風吹衣促舟子回棹接家書第四封

初八日己酉午後入闈得西餘字四十八號熱不能臥五鼓得題

初九日庚戌熱甚赤日逼人無可躲避晡時稍爽作文

經一晝夜汗如雨下袴襪盡濕平明稿定而臥

初十日辛亥仍熱甚午未間始膳正及覆校勘交卷出闈歸寓酣臥

十一日壬子發家書第六封造達歸期兼寄題紙已刻將次入闈天氣尚熱幸點名益早不致擁擠向來三場入闈日多于先夕四鼓點名今監軍先至更餘凡二鼓卽陞炮至來日午未便已封門辦理稱能坐平江府祿字六十七號四鼓得經題

十二日癸丑天明五藝稿完未刻膳畢校勘出闈微雨漸涼爽接家書第五封

十三日甲寅飯了同君繡買歸舟繫河下約先束裝上船候明晨放闈開行恐場畢後檢點出城或致阻塞也涼甚

十四日乙卯入闈得平江府意字四十七號三鼓得策題三場幸皆不臭案陸燦庚已編云南京貢院錦衣衛指揮紀綱宅也綱有寵文皇帝朝後坐不法伏誅

省圖日記
闔門受礮于是或云卽生理其下至今鄉試舉子入院輒有聲自地中起歷諸號而止如萬馬騰踏云憶曩科號哨其殆此乎

十五日丙辰申刻出闈與君繡飲于桃葉渡鱗雲綬黷九月不明兩人對酌頗失登望之興憶曩歲與徐香林買燈河舫雙槳平分皓月一天箏琶盈耳今香林已作故人而景色亦懸殊矣說者謂秦淮鑿自祖龍水由方山來西流沿石城達于江春夏之交潮汐盛

至秋杪冬初水落不通舟楫故泛舟者自初夏迄仲秋爲多然今年閏餘秋早水縮已徑尺矣則盛夏可知也又云竹醉日較往日尤盛傾城出游游船數百震盪波心船皆覆篷廠上懸角燈下設回欄中施几榻盤盃尊壘之屬靡不精良船四面不設窗寮便于顧盼有大走艙小走艙之稱歸寓燃燭寫扇頭十餘淮安黃芟洲明經過訪遣郭玉至侶梅寓挈囊裝十六日丁巳早出三山門雲芝送至大功坊而別坊爲

中山王故里登舟進發泊燕子磯下磯石甚巉峻本
名雁門山臨江瞰水形如飛燕故名居民市肆何止
數百家其間復有巷陌往來憧憧如織瞥見及肩土
垣胥衣薜荔紅榴萬顆燭耀垣外柴門面江剝啄久
之一老僧出迎頗矍鑠自言年九十二歲不出關者
蓋七十餘年矣顴頰如丹鬚髯無白者起視中堂供
三世佛金容掩色一廢蘭若也庭廣可數畝悉種榴
樹卽牆外所見者僧外一鄉農供灌溉茶罷辭出入

宏濟寺捫蘿側足歷三重懸厓峭壁撲面飛來厓下
連亘數楹旁廊一殿扃鍵甚固僧戒不可窺探左轉
至鍊索練孤舟危閣一楹以巨鍊數而環繞峭壁壁
上皆丹藤翠蘿羅絡如寶裝屏風徙倚良久而下復
循石徑覓沿江十八洞人跡罕經僅通樵牧踣躑行
二里許始達第一洞乃長台洞也洞口有椒紅泥墻
屋就洞穴爲之中供古佛一僧侍香火屋後石壁黝
黑不可辨相將覓第二洞嵐霧騰空山雨欲來急趨

反舟黃天蕩雖無風亦浪湧是夜雨細風靜一波不驚比曉已入御河口

十七日戊午平明出萬綠山莊萬枝髡柳烟雨迷離舟中遙望板屋土墻幽邃可愛舟人挽繆行急誤竄入層網中遂至勃谿登岸相勸幾為鄉人所窘償以百錢始悻悻散行百餘里灘險日暮不敢發約去港口數里泊江湖大來荻蘆如雪肅肅與風相搏推窗看月是夕正望宛如紫金盤自水中湧出水勢益長湖

泝有聲與君繡侶梅縱談聞金山蒲牢聲知漏下矣覆絮衾而眠

十八日己未夙興風淒冷如暮秋初御裘解舟渡七里江江中有二島左曰鵲山舊傳有棲鵲右曰雲根島皆特起不附俗謂之郭璞墓旭日初升望金山頂塔金光四射樓觀如畫瞬息入京口申刻抵雲陽觀音山對面有觀音寺寺前又有練光亭下開練湖湖又名鬪家湖相傳開氏七世同堂歿為水神保障一方

省關日記
黃昏過大王廟前有淮陰侯坊夜行五十四里遇糧艘下南舟阻毘陵

十九日庚申飯已尙阻不行旋見糧艘魚貫而泊乃得經過行四十三里過洛社傳以爲樂道德出身處行三十里泊錫山漢末讖記云有錫天下兵無錫天下寧自光武以後不復產焉蓋自南望亭以北夾河皆長岡高壟多陸種黍麥或灌木叢篠氣象窘隘至是稍平曠而山水亦秀絕囑舟子竟夜進發歸心如箭

不得鼾睡

二十日辛酉早抵筦山予以船擠跳岸買小舟先行命張福挈行李伺啟關而進還家拜見祖慈暨嚴親曰吾計女此時當歸也

山堂五箴

卷之五

山堂五箴

箴妄念

長洲 韋光祿 君繡撰

弗勞爾形。乃耗爾精。恍兮惚兮。搖搖懸旌。爾身何在。風
雲變改。爾分何宜。被服陸離。幽則愜于心。言則恥之深。
○至○理○出○以○淡○舌○冷○水○澆○背○事苟誠然。思無益也。事或不然。思虛擲也。不學而思。聖
猶戒之。

箴多事

○吾○儕○當○共○守○此○戒○
讀書謀食吾人之職舍是而議皆曰多事人投以閑予
則維艱幸而克效付之一笑予取予求葛藤不了汝抑
何愚汝亦何辜飽食終日無用心乎

箴揚過

違○彼○而○陳○人○目○小○人○當○彼○而○騁○兵○且○在○頸○彼○之○能○改○言
不○汝○待○彼○之○不○改○職○汝○之○臯○出○吾○口○者○風○斯○流○入○人○耳
者○水○不○收○戮○其○軀○猶○可○償○也○戮○其○名○不○可○禳○也
箴不忍

人辱昭明已辱幽隱已辱不知人辱斯憤是非在公爭
則失鋒爭而獲勝何與爾躬不忍於君子理不直不忍
於小人勢難克慎之慎之已而已而請以理遺汝盍三
思

箴浮慕

毋曰聰敏探蹟索隱毋曰優游悲春感秋無益于貧無
裨於學曾是不思真然罔覺彼耕而食不問行旅彼織
而衣不出機杼汝何多能之自名吾見一技之無成已

矣哉苦心勞意何爲而至此其亦可以止矣

顧總之曰余友韋子君繡居何山之麓草堂三間僅
蔽風雨室中左圖右史歌嘯自如顏其堂曰在山有
蕭然塵外不出山之想山堂五箴其自儆也余亦取
以作座右銘己卯冬孟燈下記

買田二十約

買田二十約目編

選地築宅

近宅置田

課耕

以米易布

種麥菜

治園圃

不鬻魚

畜豕雞羊鵝鴨

釀酒

畜牛

栽桑不育蠶

栽花果

置舟輿

事親

課兒

妻孥

奴婢

客

著述

游藝

亦猶是也。宅不必太廣。凡外廳、內堂、臥房、書屋、以及厨、竈、廩、場、酒、庫、茶、寮、偏、室、廁、所。是在因地制宜。皆適於用。斯為得耳。笠翁云：房舍與人欲其相稱。又云：簡而不繁，樸而不華。旨哉！何必山居始告以此語。

約治膏田百畝。高下不等。或同在一字圩。或散在數坵者。大致與住宅相近。近則不惟榷餉稱便。而工人勤惰易於覺察。

約課耕。似不如募種之逸。顧抗租涉訟。大都與鄉人為難。而歲入又不及三之一。若自耕百畝。可抵各種三百畝。其他浜角菱菱、陌頭菽粟。則又在兩熟之外。享自然之利者也。

約百畝之田。豐歉相半。歲入米二百石。使之仰事俛育。顧瞻家口。不外二十人。即日食斗米。歲祇需三十餘石。其餘易布為衣。則食精膾細。不讓錯珍。葛巾、綈袍、奚輸、錦繡。

約穫稻後。即種麥五十畝。不資灌壅。自然滋長。若以五

十畝種菜子花當李桃始華蝴蝶爭路青疇白壤一望
黃金郊畦之樂什伯園亭迨夫妥花孕實液可照讀滓
可培田試將此意誇示瓊樓金屋當欣艷不已
約躬治園圃畝許凡瓜蔬瓠芋旋摘旋烹甘芳之味四
時不窮于口彼城市之人向賣菜傭求活者任爾肥鮮
終是剩義
約浚池鬻魚不如居近水鄉鱗介之族逐浪繁生即日
給小鮮亦費不傷廉耳

約畜豕一欄以歲孳生供給常餐而長林空渚豢以雞
羊鵝鴨之屬則吉日嘉時何嫌特殺
約家釀味厚絕勝邨醪况良友皆來引觴便酌問諸五
都不如取諸宮中清且旨也
約畜牛一頭藉以犁田厚水可代七人之力
約栽桑十畝而不育蠶蓋蠶少葉多葉賈賤者蠶利亦
薄而蠶茂葉稀蠶賈賤者葉利獨厚老圃一人俾之芟
剪培養思半功倍忘世者得毋咲機之太巧

約購現成樹地八九畝。花果環市。竹樹周遮。柴門臨水。役二花農。責以移根剔莖。接萼分條。諸任面南築茆屋。五六楹。雜置圖書。藝鼎。暇則焚香瀹茗。嘯詠其中。四周環以芭蕉窗櫺。盡染碧色。園北鑿長方沼池。種芙蓉。萬枝萍青藻碧。龜綠魚紅。更饒活潑之趣。約置小舟一竹兜。一以濟登涉之利。朱欄碧幄。明櫺短帆。舟中雜置茶竈香爐。納涼柳陰之下。便道訪故人。留宿經旬。又或春秋佳日。舒興登臨。則肩以代步。曉容晚

態。山。色。嵐。光。浮。雲。蒼。狗。變。幻。都。在。目。中。

約事親以承順父母之志為先。毋僅效口體之養。則菽水承歡。什伯鐘鼎。

約見生五六齡。擇句讀。蒙師粗通文墨者。延之主席。成童學作文。始以自課。弱冠應小試。補弟子員。便戒勿出山。若五試不獲一矜。令其力食。


約妻孥。即不能紡維操作。亦宜潔齊酒食。主持中饋。屏除一切時世妝。但不得類邨婦。須是鴉。抹。螺。鬢。練。裳。布。

服別具一種林下風致
約奴婢檢忠慤醇厚者分任灑掃炊爨之勞賞勤罰惰
上下其食庶幾各奏爾能

約客有以勢位相耀財富相驕諂脅相悅機詐相嘗者
皆非坐中客請回俗士駕惟是巢箕之叟沈渭之民爛
漫天真胸無城府不妨一夜話十日飲無論黃冠緇衣
漁父樵子儘堪相對忘言
約酒酣燈炮閒呼子墨舉平日鄉曲所目經耳歷者筆

之于簡以恣滑稽調笑至如朝事升沈世情叵測居山
不應與聞

約奕棋投壺鼓琴舞劍吹簫度曲以及書畫騎射諸藝
畧知大意不宜竟學興之所至時一玩弄陳仲醇云若
非羲皇以上人物定亦稽阮兄弟之間快哉樂哉



皇
日
二
十
一
日

